

## Band IX., Nr. 3732, Seite 199-200

*Graf Heinrich von Verigen beurkundet und vollzieht die Seelgerüststiftung seines Eigenmannes Albrecht von Bittelschieß im Frauenkloster Zwiefalten.*

Heiligkreuztal, 1288. März 29.

In gotes namen. Amen. Wir von gotes genadun grave Hanrich von Verigen tuien kunt an disem brieve allen den, die in lesent alder horent lesen, daz wir durh die liebi und durh die bete Albrehtes von Butilshiez, wan er unser was, mit im ufgaben ze ainem selgerete uf den alter sante Johannes Baptiste ze dem frowncloster Zvivultûn sin aigen ze Bunigen, daz gehaizen ist der Bilolvingerinun gût under dem berge, mit allem dem rehte, daz dar zû horen mach und sol, und doch mit dem gedingede, daz der selbe Albreht alsus beshaident hat, daz Walter und Kunegunt sinu geshwitergiu, diu ze dem selben closter phrûndener sint, daz vor genante gût niezen sulen, die wil sie lebent, in allem dem nutze und dem rehte, daz da von gegang mach und sol. Daz hat in ouch irloubet der . . abbete und der convente des selben closters Zvivultûn, den sie mit gehorsami sint gebunden. Daz hat ouch der selbe Albreht mit worten beshaiden: svederez der selben zvaie persone ee abegange, so sol daz selbe gût halbez ledich sin den vor genanten frown und dem closter und sulen sie mit dem nutze des selben halbetailes ain lieht ziugun for den vorderen alter des selben closters immer nie da ze brinnende und svenne ouch der selben persone diu ander abe gange, so sol daz ander tail des selben gûtes den selben frown ledic sin und sulen sie ouch ain ander lieht mit dem anderen halptail ziugun fur den inren alter des selben closters ouch immer me da ze brinnende. Der selbe Albreht hat ouch mit unserem willen und des selben closters uf daz vor genante gût gesezet ainen shefel habenen Buninginger mezez Wernhere von Hertinstain sinem ohaimen durh triwe und durh shirne ze ainem vohctereht im und sinen erbun da von je[r]geliche ze gende. Wil aber der selbe Wernher alder sine erben von dem selben gût me nemen wider der selben frown willen, so sulen die selben frown ainen anderen voget nemen ze dem selben gût, obe sie wellen. Wir haben ouch durh die bete des selben Albrehtes ze ainer ganzer vestenunge alles des hie vor ist geurkundot, unser insigel gegeben an disen brief zû dem insigel und der vestenunge herren Eberhartes des abbetes des vor genanten closters, daz ouch dar an ist gegeben.

Diz geschah in dem closter ze Hailigencrucestal, an dem mantage nah dem ostirtage, in dem jare, do von gotes geburte warn tusent zvaiahundert azige und ahte jare. Hie bi waren herre Herman von Hornstain, herre Herman sin

## II

sun, herre Manegolt von Hornstain, Johannes von Hornstain, Walt. Bozze,  
Peter von Hornstain und ander biderbe lute.

—

Nach dem Original.

Die abhangend befestigt gewesenen Siegel sind abgegangen.

## Überlieferung und Publikationen

**Lagerort:**

HStA Stuttgart

**Signatur/Titel des Originals:**

B 551 U 305

## Weitere Angaben

**Ausstellungsort:**

Heiligkreuztal

**Ortsindex:**

Bingen Wohnplatz (21050)

Bingen, SIG

Bittelschieß Wohnplatz (21127)

Bittelschieß, Krauchenwies, SIG

Heiligkreuztal Wohnplatz (17046)

Heiligkreuztal, Altheim, BC

Hertenstein Wüstung (24212)

Hertenstein, Sigmaringen, SIG, W

Hornstein Wohnplatz (21053)

Hornstein, Bingen, SIG

Veringenstadt SIG

Veringenstadt Gemeinde (21373)

Zwiefalten Wohnplatz (16028)

Zwiefalten, RT